

涇野先生文集

涇野先生文集卷之三十七

後學北地李楨編校

墓表

都察院右僉都御史南澗林公墓表

公諱廷玉，姓林氏，字粹美，福州侯官縣人。父介菴先生仕為韓府紀善，公幼隨任焉。因籍平涼，成化癸

卯遂發解陝西，甲辰舉進士，明年選授給事中。時

孝廟初元，公上封事，乞順天地之理，通君臣之情，出

御文華，延訪大臣政治之詳，又上籌邊翊治十事，內

林公在
實錄中
亦載
而其建
白別歷

畫詳表
中白以
陽明二
先生許
可之則
亦湛盧
濠曹遇
之愈光
若

關妖僧方士多底收戮他日劾太監黃璫之弟黃緣
京職事雖報寢聞者生氣又蒐輯傳記釐為八箴以
乞保治既晉都諫滋著讜諤其論興濟宮建真武廟
及考官程學士斂政六事言皆剴切遂因程事降判
海州爾乃畫法祛弊鹽場強徒一鼓盡擒至訊董老
菴殺人之盜如親覲神遷知茶陵州籍里豪以觀躬
化革鬼俗以禁屠牛建洙江吸院亭以崇正學未洽
三年四門不開茶陵稱治乙丑陞江西屯田僉事設
立規條通賦就完追羨于徐淮尋陞廣東提學副使

中署同事七月凡其敦德行正風俗崇節槩獎恬退
柳奔競闢邪讒剖疑獄結滯案罔有不嘉至于廉周
應舉殺崔鎮父子之隱奸發黎民阜繼母曹氏殺前
子之偽惡尤能驚服廣人之心己巳陞山西叅政丁
繼母高氏憂闕壬申陞右通政提督膳黃是冬陞都
察院右僉都御史巡撫保定等府兼提督紫荆等關
凡勢宦貴戚相率斂戢乃又嚴捕遼軍之奸以杜嚮
馬巢穴奏劾守備倒馬關太監李貴及翟都指揮張
太僕丞之惡於是畿輔肅清商旅夜宿尋以張辯調

南京都察院管事公遂懇求致仕去嘉靖改元
皇上以言官薦起改都察院右僉都御史總督糧儲
癸未又具疏懇辭得

旨自是祭祖至陝以還閩不復出矣乃壬辰四月二
十四日疾終正寢享年七十有九歲則豈非

昭代之完名君子者哉初介菴先生為信宜司訓公
母徐孺人卒于信宜火葬鳳凰山不封時公方二歲
也稍長微知其故及出使廣東葬都憲魯公輒趨信
宜披草泣血遍訪父老得母葬所為文哭祭圖其山

形而去陳白沙聞之至錄其文為詩以傳比介菴卒
奔喪平涼念祖塋在閩復南展省墓碑泣別歲甲子
入覲途病還涼就醫聞

孝廟陟方哭臨于

韓府墀下血淚點漬麻衣有痕提學廣東時焚黃酌
祭于信宜哀痛之切足表士風公常歆自涼遷父葬
于閩以人言未可搖動休魄而止乃留仲弟廷弼于
涼以守丘墓繼母陳氏歸閩焉戊寅之夏福州衛卒
缺餉群咻為亂閉城門擁利兵內外岌岌公方巾深

衣造壘以示

朝廷恩威賊輒解散八月再亂公再出撫定鎮兵因以夜擒渠魁福州用寧公自退休毫髮不擾于鄉里人皆德之蓋自始葬魯都憲公及襄

楚憲王妃時凡諸贈遺一無所取人已占其後矣陽明王公謂其碩德重望收曲突徙薪之功儀制卽中林君炫謂公剛大之氣常伸千萬物之上淵源之學自得于簡冊之外濟變之材又一時莫之與京也其殆庶幾乎公曾大父諱外生大父諱觀號淳裕處士

配某氏是生介菴先生諱芝者也贈給事中母徐贈孺人繼母高陳皆封孺人公配張氏封孺人生子一彥源娶某氏孫男一桐孫女某辛已葬于某山原是宜勒辭羨道以告行路辭曰

有殷南澗踐正履方孝達神鬼奔閩驟涼粵守諫議論列咸明載其矢直蹇蹇匪躬為士林望田錫劉恕風是用長董學百粵文教釐昇既晉都憲振此紀綱甘心采芝出處以正言告瞻者哲人于行

明中憲大夫大理寺左少卿半窓羅公墓表

此公在
中書題
名表
尋且陟
八座僉
謂掄材
而胡天
奪其後
執宜存
其勸詞
行于世

公諱輅字質甫姓羅氏號半窓應天江寧縣人廣東
布政司左叅議尚志先生諱麟者子也其先浙秀水
人曾大父文中以間右實京師因籍江寧云大父景
伊以尚志公貴贈工部員外郎大母沈氏贈宜人尚
志公配魏氏封宜人贈恭人二室王氏生公以公貴
封太孺人贈恭人伯兄載仲兄與舉人皆魏恭人出
公生而穎悟過人博覽載籍輒能誦說為文頃刻數
千詰具年二十一舉應天鄉試高等明年戊辰與子
同舉進士尋授中書舍人已巳之秋 冊封益王世

子行且中道正使遽卒有

命專節以往比至藩邸諸所舉錯俱中禮度鮮或謬
盤竣事過家省拜二人時尚志公年已耄耄公戀戀
不能遠逝膝下以其重促蕪程復命已日上疏懇
乞就養得改南京大理寺評事至家三日尚志公無
疾而逝南都人以為孝子獲終其親云癸酉起復補
前官己卯擢江西袁州知府首重學校申教茂士均
定民賦創立團保悉去勾攝之擾嚴禁萍鄉之訟繕
亭舍以振委候書鄉訓以化里社積穀以脩城汰差

而教樂於。是都御史王公守仁疏其才猷優於治劇。乃改贑州。贑當閩廣湖湘要衝。數患藁盜。公曰。民無。懾止矣。而不盜。爾乃禁革冗費。刊除雜差。寢兩司之。防夫輟各衙門之執事。票銀不克私用。贑中食鹽多。出兩廣私販。所販之人歲餽郡吏。故不能禁。公奏計。總制歲取其利以濟軍務。猶鹺法也。事。

上遂以為制。贑郡帖然。於是都御史盛公應期言。江西劇郡。若南昌。又疏改守南昌。至郡七月。聞太孺人疾。遽。官西歸。連疏乞休。稽遲再歲。銓部憐其志。

亦不為咎嘉靖丙戌復補南康郡瀕彭蠡乃創作臣
堰水溢洲入堰以避風濤水落則洎堰下而民居亦
賴以安其他省崔夫之銀革牙茶之弊親訊罪犯吏
不能行其奸禁止寫丁冊不能隱其弊紡績農桑男
婦雙課信牌定期鄉縣不擾深有益於南康己丑擢
江西按察副使整飾饒撫兵備越七月數興母恩復
上休疏未報還家五月而太孺人以壽終得無憾焉
壬辰起復補四川按察副使整飭建昌兵備未至內
移山東南三月擢順天府丞明年癸巳改大理寺少

卿甲午有 晉宗室與撫臣構隙事涉難勘

上命公往公正以國法而体以人情兩月復命人
皆稱平於是廷臣益多公之才兩舉節鎮上意廷
尉不可無公因留之嗚呼乃至於長逝哉其歿也少
傅大學士任丘李公哭甚哀戶部尚書梁公太僕少
卿王公御史謝君少南皆以里人治殮如禮訃聞
上諭祭九卿臺省咸祭奠而公之兄載適至自家乃
遷柩還南公生成化丁未五月十一日春秋四十有
九娶胡氏封恭人子男二人渠早卒粹幼尋亦卒以

毛公有
此鱗之
口有馴

兄載子機為嗣女子二人適徐敦張憲憲舉人詞曰
有毅半窓敏給無雙志篤父母數棄守邦孝父明達
君相爾玕既佐廷尉大任克扛方躋八座經濟爾龐
乃遽淪謝辰也不逢勒辭完石名竝長江

徵仕郎禮科右給事中古菴毛公墓表

公姓毛氏諱憲字式之號古菴常州武進縣人也予
官南都曾接於別邸色夷氣清可敬而親其貌古也
怡性守神游乎物表其心古也孝弟信義言論通朗
其道古也則其所自號者常非虛恢矣今年予在北

魚之誠
有三近
六經之
醞釀古
武竊學
士家顧
道養德
只此便
是古意
若石中
玉表不
今於今
亦不古
於古矣

雍忽聞公訃傷悼累日實嘉靖乙未十月二十九日
嗚呼吾友古菴平日以道自砥乃至此已耶公甫弱
冠即疆學不怠以三禮遊邑庠正德庚午亞魁薦於
鄉辛未中禮部尋登進士第授刑科給事中上疏言
人主之德莫大於開廣言路優納正直時諫官實明
方以言得罪公即抗疏申救以為不宜塞諫諍之口
時大臣有怙勢於內豎者則又奏劾剴切內外咸肅
既而引疾以身喻朝政云雖任耳目之官實乏聰明
之德三年之艾莫措七年之病難瘳病痊除兵科給

事中議政中府坐論激直釐正國是不屈權貴又嘗
見邊防軍政之弛災異水旱之煩乃敷陳古訓疏列
遠圖多見采納其使荆湘見民居漂溺死徙瘡痍之
狀具疏驛上當道以為公危者公畧不顧忌已果忤
旨罰俸三載秩滿遷禮科右給事遂疏請祀先儒陳
浩有功禮經是時武宗西狩公倡率群寮因請回
鑾無論建儲衆皆警懼後錫幣近臣公疏辭不受權
貴有歆結公者正色拒之於是其聲大振於時嘉靖
初年以耳疾謝歸講求性理之學者翕然尊師其徒

之貧也多為之館穀。惟時郡守陳君實建道南書院。延公為師。表公之教以不欺為主。以喜怒為用。以克己為功。以敬義為存心制事之本。其言曰。君子之學。須是擺脫習氣。著實踐履。方是實學。則公之在諫議。可知矣。公性孝。每念父卒於外。輒號慟。屢絕。其養下太孺人及喪葬。皆無違禮。又以祿不及養。扁堂曰。永思終身。不御重味。而歲時祭祀。一遵朱氏家禮。他日置義田。義學。教養鄉族。施愛孤弱。若與人交。死生患難。不爽素心。故師子孫。貧不能立。與置田宅。矜恤周。

至嘗立三近齋予為之記公端坐其中深潛玩索其
所得於六經者多矣然則公之教人蒞官豈徒言語
之間已哉古菴之號其稱情乎公先世出河西以仕
於常因家焉高祖諱福四曾大父諱智大父諱文明
父諱任程鄉石窟巡檢卒於官以公貴贈兵科
給事中配卞氏贈大孺人生寶及公公享年七十有
七子男七曰誠曰詮曰誠曰訴皆贈孺人陸氏出曰
諧曰訪曰諷皆側室氏出誠詮訴皆太學生誠邑
庠生繼娶單氏封孺人先公卒誠亦先公卒訪諷後

公天孫男六孫女六其子銓等以某年月日葬公于
某林新阡甘泉湛先生已據養齋徐公狀誌諸墓矣
至是請表是宜勒辭美道以告行路辭曰

有懿古菴惟德之行侯忠侯直為國之光於學既邃
厥儀有程隱教不惑淑於俊良賙窮賙匱使之裕康
振今思古厥號允臧逮茲易簀晚節彌光英爽不昧
陽陰互藏福祉遐萃子孫永昌

贈南京右軍都督府都事雲澗張公墓表

公諱庸字彥平廣東順德人思南知府鏢之父南京

慈傳而
其暢大
義殺孫
于古調
傲思養
顏輝語

戶部郎中淮之祖也。公生有淳質，不習巧飾，隱居龍山里，中弗涉城市，而又溫柔朴茂，與物無競。上事父母，克敦善養。母廖初歸外家，奩田數十，公既長，謂父確菴公曰：「吾家饒裕，安用人田，盡畝以還，不留半畝。」廖人咸悅。兄第五人友恭，甚篤及其素居，田產屋廬，讓取其下。壬辰癸巳之際，順德大水，禾稼泥爛，間井多不聊生。公曰：「庸有厚積，忍視他人饑餓？」爰發所蓄以賑貧困。賴公活者甚衆焉。公生四子，八孫，庭訓嚴正，不出義方。每揭陳情，出師二表以示子孫。曰：「孝不

發道開
情居然
七時奇
入

如密不足以為人子。忠不如亮。不足以為人臣。子孫
皆夙聞身教。率履不越。昔隨咸以直匡父。耻為諂諛。
薛包篤愛諸弟。析產讓美。李士謙賑施鄉里。德譬耳
鳴。石奮謙厚教子。勿事驕矜。皆馳聲漢魏。有裨倫化。
若公者。將非昔人之儔似耶。李刑部輒言公平。日布
衣蔬食。老壯不渝。鷄鳴必起。孳孳為善。則公固有所
受乎。公生七十上下。時竹杖布鞋。行遊田野。日誦真
寶古文。及陶杜諸詩。以自娛樂。暇或仰觀遊雲。俯玩
清澗。作為歌曲。飄然不知有人間世。至八十遇例冠

帶又四年乃卒。後以知府貴。贈南京右府都事。則公其真隱者歟。公初黃氏繼配。易氏皆恭儉孝敬柔順。溫惠里八言多內助於公。此或其然乎。四子長錚。封南京戶部主事。次鏊。及二女皆黃出。次即知府鏐。舉弘治甲子科。次鏐。及一女皆易出。八孫長。即郎中。淮丁丑進士。次灋。海滌。湘。泮。浣。曾孫男十有餘人。己亥年已葬於柏山之原矣。茲知府郎中又請某表諸羨道。辭曰。

有敦雲澗。振修南海。世態萬千。厥操不改。侯孝侯任。

侯慈侯愷兄弟既翕鄉閭靡悔亦有孫子于昂于鼎
將其來者聲聞不息有辭茲碑行路瞻在

封太孺人景母王氏墓表

內政有
總裝事
有禮女
之有士
行者訓
子官箴
周旋中
道機杼
名流多
不過此

太孺人王氏者贈君裕菴先生之配南京陝西道監
察御史景君湊之母也蓋遇

恩詔勅封太孺人云生而明潔婉婉貞慈既歸贈君
家務方殷舅姑咸老乃躬執汲爨身先妯娌修澹溫
清罔弗承志間取姑中裙釧綸擢澣如新不令前知
舅姑至稱其孝敬壽與已齊及姑既病親嘗湯藥晝

夜侍側不解衣帶其賓祭之需尤罔弗虔贈君以兄弟先後淪喪季弟亦肄學業乃棄儒從商為養親計及季弟登科宦遊家無主持爾乃揔攝內政夙夜靡寧視諸孤幼咸同已出男室女家庶事咸考大姑適張夫婦雙亡撫遺子女爰獲厥所贈君喪親廬墓遣疾歸卒則謂御史兄弟曰吾聞夫死晝哭禮無過哀惟念汝父之志日望爾曹底於成名耳乃擇師教子焚膏伴誦率至夜分或摘問經傳疑難稍不稱旨憂怒咸作雖於子姓諸婦亦訓列傳女誠使閑閭範贈

於禮

流亦
道此
而居
如

君初配史氏踰年無出而卒。塋葬近郊。每當節序。必令御史兄弟祭奠如禮。及葬。贈君尤稱元配堅令合葬。戚黨以為晉姬之下叔隗不讓焉。及御史之官。則切訓曰。君子在家則致孝。在國則致忠。爾為言官。貴識大體。既不可訐。細故亦不可撓。氣節比御史得告還籍。則又以知足自慰。驕奢示戒云。父家胤緒衰絕。恒自隱痛。御史兄弟為之汛掃塋城。他日歆立王氏主以祀。乃力止曰。禮婦人內夫家。外父母家。景氏家而王氏祀何居。御史兄弟強之數四。而後可。初蒲州

大銀王氏積信義至遜齋先生者諱惠字澤民博涉經史弱冠鄉舉不樂仕進窮理自修日造高明隱居終身遂以遜齋自號配李氏是生太孺人資姓異於常女遜翁最鍾愛焉教以孝經女誠諸書輒能領解或遜翁誦習古典從傍竊聽刻記不忘遜翁嘗曰惜不作男以大吾家耳然則大孺人之道行於景氏者其固有所本乎生景泰乙亥十二月十日卒嘉靖辛卯三月二十六日壽七十有七歲子男二長瀾太學生娶某里王氏繼楊氏某里王氏側趙氏次即御史

漆娶某里王氏繼劉氏俱封孺人女子子一人嫁為
姬鐘妻孫男子五人芳娶馬氏莘學生娶張氏蔓聘
楊氏蕃及皆幼孫女子五人謂紹王九嵩李廷
勛史良楫楊永新者其婿也曾孫男一女一御史于
某年月日啓州城南中王村祖兆贈君壙合葬矣是
宜畧述來狀勒辭美道以告行路辭曰提簋風微主
績教亡千載之下疇承其芳緊太孺人古之淑明嗜
義如渴敦禮惟康既孝于姑妯娌任良貞在夫子慈
子咸成御史蹇蹇為國之英發太孺人道于天下光

將其來者後世且揚積善獲慶天道弗爽勒名堅石
範茲女行

王壽官墓表

一木于
常亭
應表前
應額振
儒之遺

昔者齊晏嬰仁於三族待舉火者七十餘家宋范仲淹作義塾塚而宗人睦予謂晏范學士大夫耳王壽官布衣也乃敦茲行則豈可以蒲鄉人目哉其宗人先後亡者不下一二十輩。夕無棺槨葬於野公一日曰於王氏榮獨可聊生而宗人不禮於死榮之責也于是買地蛾眉原之故市建新兆召匠人治材屍與

一棺序尊卑、順昭穆、率其孫子遷葬焉、其無後者自
主遷、或曰在景泰天順間、云王氏素有臨清戍者、還
蒲宗人皆莫能食、且貲也、公獨食而貲之、數還則數
食、數貲、不以瀕宗人、宗人若有逋徭匱稅、則又數徭
數稅、不以瀕宗人、他日戍者及宗人皆不安、辭而公
又強附之、則亦何愧於學士大夫哉、初公事父母、問
衣襖、寒在食甘惡、心力交至、宛若儒生禮士、母張愛
獨季子公仰承厥志、衣惟季子選、著馬惟季選、騎終
其身無闕墻也、母張歿、啓父壙合葬焉、棺已朽露骨、

公身下壙抱其骨號泣宿壙中三日比伐棺成重歛入棺而後出。踞人為之感涕。上恭二兄下友二弟。後家指滋衆有欲索居者。公涕泣曰。母在而吾弟拆耶。諸君子不見田家荆樹乎。於是復還同居。蒲人有二氏兄弟訟財者。公往諭之。二氏遂皆感化。輟訟。公有此允德。鄉黨亦以為儀表。見貧者或周之財。見富者告之儉。見學宮敝則率鄉人贊之新。見勤慎者或誘之進。見遊言遊行。者或以法語拆其非。有後進輩衣靡麗之服。公出。覘而避之曰。是王孟華公過也。於是

鄉人無大小、無遠邇、無男女、無貴賤、選門諭舊必曰：王孟華云：於是蒲守請賓鄉飲，蓋自天台徐侯、潛江張侯、睢州任侯、武進蔣侯、秦州陳侯相繼尊禮，久於正賓而辭不免。至成化丁未，以高年八十上被冠服之榮，階將仕郎，云配郡大姓。子張氏太平府通判。琬女其母楊氏，則贈禮部員外楊其之姊。四川叅政瑩之姑也。琬以廉介死于官，瑩以清節終于鄉。世循懿德，故朱張奉其徽範以相壽。官上自舅姑，下至姊妹妯娌族屬，固有不冝而於祭祀賓客尤致慎焉。故

郡人曰壽官公之成亦朱張之力也生子男二人長
遂娶南關張氏次馨以歲貢起家仕至魯山教諭所
至能以身率號敬齋先生語詳提學副使周公宣撰
誌娶北關張氏女一適鞏昌知府張君侃封宜人鞏
昌蓋嘗狀公行於叅政楊公以誌公墓者也孫男十
曾孫男十二女十七玄孫男二孚觀女二初公四十
餘無子而理家滋敏人或指議曰為誰富哉公笑而
不輟嗚呼公可不謂有虞氏之遺民乎公生於永樂
二年七月十七日卒於弘治四年十一月十七日壽

八十有八張生於永樂八年正月二十二日卒於弘治六年三月二十六日壽八十有四張歿之月已合葬峨有原之兆銘曰猗敬信方王蒲之世家邈厥懿系肇自滎河高祖仲文宣化故嘉彥純秉信績戎維那景嚴配張不惰不奢孕休鍾粹壽宮公多匪直躬也其來無涯有望周道不啻賢科惟天有鑒慶善靡差行踣瞻止我言無過

鵝峯處士呂君墓表

處士諱賢字宗器姓呂氏別號鵝峯廣信永豐縣人

正氣磅礴襟次
磊磊而著述咄
不一
中蓋從
涵養中
來者

鄉進士懷之父也。生有玄質。度越塵俗。年未弱冠。補
邑庠生。精舉子業。暇與叔父景潤同登鵝峯。端坐厓
石。浩歌忘形。逍遙歸歟。薄茲功名。乃藏修於峯之東
南木山。不求人知。及父茂輝既終。母俞氏真疾。遂自
削學籍。歸養厥家。母投在殯。舍人失火。勢焰侵樞。乃
伏樞號慟。流血被體。焚燎鬚鬢。身不少却。俄風反移。
樞火復闔門。里人駭歌。火中生蓮。提學邵公廉知。欲
以奏。

聞乃列狀辭免。譚令褒嘉。比諸澹臺滅明。時加存問。

其治家稱禮不諂流俗若有讌饗子姓拱列無敢踰
言偕立族有貧孤婚葬與具一嫗老矣其子弗孝迫
依他即責厥子迎嫗歸養周給服食佃田與耕里有
俠客詐取鄰帛告諸同行懼為公知同行者曰鵝峯
時坐林間已瞰其詳矣俠客終歲避匿不敢面公俗
傳有神活佛自徽來以旄符談禍福如響所至爭以
羊豕逆諸道左焚香作樂族里方議逆奉處士曰此
非訛言必也妖氣正以待之神遂寢滅處士讀書期
於涵養不求記憶尤喜吟咏客至鵝峯草堂輒與賡

和其詩曰讀書多過目養性欲忘年。又曰不為草堂
無戶牖孰知天地有鳶魚。此可以觀所得矣。處士卒
年六十有一葬在星石山之蔣家庵。司業江公茂穀
撰廣信郡志列之孝友傳。初處士先世本衢人有唐
刺史安國携季子珏避兵永豐遂占籍焉。在宋有曰
祉者為閩州提刑歷官兵部尚書七世生廷彥擢文
武都科第一人授忠翊郎傳至處士曾祖文敷祖子
昂至父皆不仕然則處士所本源者遐哉處士配祝
氏生丈夫子三人長即懷娶某氏次懌娶某氏次慎

娶某氏女子二人所著呈皇極經世律呂新書正蒙
洪範諸書及鸞峯遺稿藏於家

辭曰有敦鵝峯歸此永豐振揭流俗不苟人同學足
以仕抗志弗降從吾所好道將在躬宜爾家器學也
於明貞齋早師甘泉晚逢咸獲厥妙為世儒良秘不
發者茲且用亨行跼瞻言道無窮通

翼齋唐君暨配朱氏墓表

君諱佐字朝相別號翼齋雲南晉寧縣人也先世浙
江淳安人洪武中諱宗善者發戍雲南中衛領屯田

畫讀就
集中人
子泣父
至死者

一曰
且編謂
次美者
比肩子
死父臣
死君指
不多屈
豈婦滿
不多剛
勝耶抑
經有不
必然者
耶以其
獨故存
之

中道而卒。次子循仲至滇，遂為晉寧人。云：君生有奇質，斬巖山立，幼從父慎菴先生績學，辟雍備嘗勤苦，及籍郡學，壹敦禮讓，從諸生後，諸生咸推以為不可及。比當試，輒諸先選，董學荆公累口褒嘉。迺弘治壬子，高舉滇省，及赴南宮，聞母王夫人訃，戴星奔喪，氣幾殞絕，哀毀骨立，行路嗟憐。慎菴先生曉之曰：有父在，可以死。母邪？君始飲泣事事，陰開父心。及壬戌，不第，留京邸學。甲子之歲，慎菴先生亦謝訃至，擗踊控天，自誅幾於即斃。為友人喻止，自燕馳歸，雙足破繭。

伏號柩下，浹繼以血口，亦嘔血數升，昂首曰：「佐已歸。」父喪次矣，夫復何恨？遂死。慎菴先生之旁。於是晉寧人稱君誠孝。滇海無雙信陽樊少南曰：「君有從容就死之誠，無有為而為之蹟。比方申生，寧有優劣？然則君豈非古之孝廉君子者乎？」所配朱氏，定州訓導克瀛之女，安縣知縣孫鳳妹也。年幼十六，歸嬪于君。當是舅姑在焉，祖姑在焉，凌伯姑在焉，伯氏叔氏四人在焉，即能身執孝謹，曲暢和睦，閨門之內，咸得懽心。其事君，險不知阻，勤不知倦，喪不違禮，力濟艱難，撫

孤子有成克顯有唐真慈之風播美晉寧初宗善公
之道卒也長子凱仲當行循仲其弟也能即與之俱
及凱仲歿又能哀毀越禮三日而卒是生慎菴先生
諱以猷舉甲午科通判成都者也朱之先亦浙江建
德人其發成與唐同至諱璣者能詩而隱是生定州
者也然則君之孝朱之真慈其淵源所積委者不亦
遐且厚哉君生某年月日卒某年月日年三十有九
歲朱生成化辛卯十月十七日卒嘉靖戊子二月二
十五日壽五十有八歲生男子三人長鉞次驊中嘉

靖丙戌進士出知定遠縣其得士民心至有歌謠于路者予道過定遠得知其詳而定遠又誤以予為有聞也過加禮焉則君發先世之隱德以光詔後昆于無窮者端有在矣次橋朱之歿也拊君已合葬于其山至是定遠以表

請是宜勒辭美道以告行路辭曰

於惟翼齋天授孔嘉爰篤厥祖力學登科展以孝思因心無瑕痛父之歿泣死若何純誠自寶行路交嗟亦有朱配婉德不那撫孤咸立定遠伊遐為縣過古

鴻以雨
喚亦以
日暴喻
振三居
子也寫
以義配
亦以德

趙道如何載其休聞末世不磨

明武定軍民府同知石軒王君暨配宜人翁氏墓表
石軒王君諱介字節父福建候官縣人今進士松江
府推官鐘父也先世光州固始人唐黃巢亂嘗與二
十八姓從王審知入閩遂籍候官其後有為主簿者
世失其名主簿之後有良駿生均有皆仕元為宣教
郎均有生泰泰生玄玄生鑛號友竹君父也登天順
己卯鄉薦兩為天長應天訓導以小戴禮記名歿于
應天君年十一歲歸治胡氏春秋發為文辭多奇意

燕比淑

女之事

君子也

公與登

人而得

之

弘治壬子年方十七遂魁鄉薦春試名在高榜授婺源縣學訓導乃携姪鑾甥舉隨學於任婺源之教調貧極棘獎善礪頑二子咸與見聞後皆達材而婺士胡程余汪數十輩俱鳴甲第尋典文山西繼廣東皆得名士如劉公龍者在他房落卷偶遇君過拾置首選後大顯名癸亥陞湖廣咸寧知縣縣據山谷俗雜夷獠居民困瘁官鮮終任君至廉以奉身恩以撫衆異時折訟紙價率入私橐君乃易稻穀貯倉未幾歲凶民賴以活乃又節損良善禁遏勾攝招逐流逸即

江
父老
有傳
一居
者

丁產以定賦役、明法律以戢豪右、正禮教以析枯楊之華、端禁令以化吳鳴鳳之姦、環咸寧之封、煦煦然有更生之樂。是時巡撫諸公相率䟽薦，至有為全楚守令稱首者。正德戊辰，銓曹

奏調江夏。君晝則事事、夜剖民訟，剛直不阿，一無所撓。廉明煥著，時稱鐵知縣焉。是冬，歲轉廣州府通判。於是廷尉黃伯固作詩遺之，到官正好酌。廉泉云：「君至廣，革常例之弊，發匿隣之盜，訊隣之刺，論奪田之豪，究冒帑之名。」庚午秋，陞知全州。未數月而巡撫林

公延選薦之。蓋林嘗委君勘袁劉事而得實者也。全故崇山疊嶂。時號白面山獠者。橫刼擄掠。實進親臨督兵。我軍衣甲咸涅字號。賊之衣甲字號亦同。蓋多殺我軍取其衣甲耳。乃改募狼子土兵。則又焚其營。砦君曰。賊依山禦。我如礮石四潰。我師攀緣。惟恐失墜。如驅羊攻虎。誠非策也。不如招撫。實為完計。乃單騎直詣賊砦。曉以父母赤子之恩。告以大軍擣巢之勢。賊皆羅拜。君即樹招撫旗幟。賊首一出。犒以花紅牛酒。約十人。一長長給衣巾。許捐間田。使自墾種。朔

望具結投州四境晏然及君起全賊率獵雉捉魚爭
獻馬首其他脩城習戰興學勸農鋤強抑暴完徵逋
稅皆深惠於全云癸酉秋轉武定軍民府同知蓋雖
陞實薄之也狀言君在全日有唐寺丞者家素凶虐
奪人名馬水利君嘗戢之唐因搆君於蔣少宰敬所
故有武定之轉夫敬所端人也不宜有此豈其愛君
之甚思以歸咎者云乎武定舊有土官鳳英狼很多
殺戮人其子朝鳴殺妹丈次子婁兄嫂且相攻鬪於
是夷民具奏撫巡下君勘實君曰夷狄禽獸也若繩

以法適激亂耳於是議立其少子襲官衆帖然服從
鳳兄弟亦相感恩延君至家以百金器物為壽君悉
辭卻鳳兄弟悉呼老少拜君祝遐齡焉甲戌春罷歸
哭聲載道鳳兄弟亦涕泣攀留君少稟慷慨有志父
友竹先生早歿依于伯氏伯氏覘其懷抱清遠深加
器重其事母胡極其孝謹後嘗侍疾終日在側湯粥
必手進卒幾喪明歲時乾豆涕泣懷思及歸自武定
僦屋以居時郡守毆陽君鐸方毀淫祠因諸學生狀
君清貧給宇以為居屋君猶入值縣官乃受安仁令

王濟民者、婺源門生也、聞君屢空寓書、懷邀君赴極、其誠意至方二日而卒、蓋君所自測寅丑之交者、實嘉靖壬午八月二十二日也、距生成化丙戌年七月二十七日壽五十七歲、于時年友有舉賻者、推官不忍傷君、生平之庶皆辭之、匍匐舁視以歸、然則君教也、小子有造政也、細民舉安、所至著績名實上下者、豈偶然哉、配翁氏封宜人、諱升、副憲翁公晏孫女、父世用、為績溪縣學訓導、母王孺人、宜人少讀書、通大義、凡古今節義忠孝事、皆歷歷能誦諸口、初績溪君

為宜人灼婚。及聞石軒君喜曰：吾得壻已。既而媒氏至時，副憲公之弟世衡在側，嘗之曰：吾聞此子貧而孤，兄盍他灼。績溪曰：王生才詎終貧哉。卒定婚焉。年二十一歸王。事姑胡太孺人，沉慧婉順，事事當意。胡太喜曰：吾賢婦也。已又事伯姒，甘宜人。甘又喜曰：賢婦氏也。其在婺源時，侍鑾舉，無殊已子。初弗謂其姪與甥也。既而其媵曰蘭者生子若女焉，即又從而子女之。初弗謂其出于蘭也。咸寧之日，內常索索然無儲，初不為意。顧謂石軒君曰：夫君之政誠昔人所謂

好消息也。願終其志他日石軒入有怒色則必究所以且曰君性太嚴嚴則下情難通又繼之怒則民滋畏愈不得伸其情矣。殊非子民之道在江夏及廣州聞決大獄輒愴然曰民命至重君務悉其情以求之生萬不可得則彼我無憾矣。武定之單騎行也宜人。孀諸子歸常以君遠宦夷邦怛怛憂懼默禱于天。齋素三年祝願生還已而在軒君解官歸喜而後可知也。歲辛巳備疾七閱月及革乃語石軒君善保其終又呼推官等曰汝輩各脩而業俾毋墜爾厥先語畢

遂卒於是石軒君哭之痛語人曰宜人歿而吾始知
宜人之存也有七不可復者矣蓋宜人性慈柔卒然
事至輒默念佛數過人有榮然可矜者則哀憐憫恤
無固恠意蘭之子嚚黠不修數詣求貲為賈宜人多
與之訾已而復請求貲又私脫簪珥與之後竟沒入
石軒君聞怒挾之宜人曲為隱護曰無寧使人謂我
實陷是子也蘭有女稍長教之克遵姆訓精女紅是
後石軒君又納一婢生子及周而婢歿其子數病疇
瘠宜人負之而行夜與同寢飲食必手飼之如是者

二年嘗語推官曰吾孜孜課汝學者非欲以榮吾也
吾嘗見汝父有祿而不得養汝祖父母每對吾言輒
嗚咽泣下汝後當自思之宜人生成化戊子十二月
十五日卒正德辛巳八月二十一日享年五十四歲
生子四曰金娶張氏繼潘氏曰錡娶楊氏曰鏗即推
官娶鄭氏宜人出曰鈞娶 氏側出也女二長適郡
學生蔣大本次適余安俱側出孫男曰中元中選孫
女曰可珎可珠可璵推官等以嘉靖癸未十二月
日舉石軒君樞暨宜人大樞合窆城北社武山之

麓茲道過南都問表是宜勒辭詞曰 有毅石軒奮
翮夙騫痛父早逝學務本根三傳既治諸子咸擇事
伯如父孝母清溫當其省定果依晨昏既遭喪病素
冠團團一有貨貲不私弟昆厥身克正教行婺源循
良楚粵民罔不懽武定鳳氏亦化不反况此猥獍何
有于全宜其大用贊福元元遭也不辰遽反丘原居
無良屋食無旨飧有翁宜人媿德如鴛室雖懸磬亦
蔑怨言事姑如母善誨子孫宜有松江惟道是敦叙
述遺狀如二人存當其孝思歆褫魄微言細行亦

欵傳焉應大爾烈爾道恒燉

行狀

兵部尚書胡公行狀

公諱汝礪字良弼別號竹巖陝西寧夏人也生既周歲奇異駭衆見文字紙輒誦子曰字聲韻琅不類孩提七歲誦孝經喻大義常與群兒嬉戲別土粗細爲糧豎瓦礫爲倉貯之又作行陳相閑約勝者商工以賚長老過見咸訝其不凡也十三四歲能詩賦文字與行輩談說多涉時務若老成人言十八歲提學戴

按狀公
其有時
達之資
有疆圉
之志有
鍾鼎之
績此文
核而不
浮矣

忠簡公試其文曰此子當大成蓋國士也鄉士夫亦
遜曰胡生學力果器量深知見明不易及也二十二
歲中陝西鄉試明年舉進士授戶部主事監理清源
芻粟力祛宿病狡吏莫之敢奸也後訖進員外郎聞
其父封君訃去矣居封君之喪顯用朱子家禮西夏
之人至今倣之服闋授戶部郎中督餉山西不至期
歲邊儲告裕北虜邈過大同無可與守者冢宰馬公
特擢公焉於是總戎重臣不束其下毒及兵民公曰
此內韃靼也身痛抑之厚忤重臣遂疏疾求去冢宰

用廷議覆

奏公可大用真無疾即疾亦可用不可去

先皇帝俞之乃卒不去當是時也守令無敢抗權官亦無以疾辭者辭疾矣亦無獲留者公之才望自是滋震也越二年撫按憲臣交薦公可巡撫大同

朝廷以京兆重地進公順天府丞期年而進府尹順天須首善之地然勢族豪右十七其民動遭齟齬公低昂其間畿甸之內亦有陰受其惠者矣遂進戶部右侍郎

勅董宣府遷移尋改兵部左侍郎仍蒞邊政期年之
間拓屯田數萬畝歲省內地輸可數百萬國威用壯
朝廷從輿論乃進公大司馬命下而公年未半百而
爵位已極且鴻材大畧著于兵食童子時嬉戲不偶
然也幼時陳大夫人病目暴熾公方讀書歸見之曰
母目若此吾何忍用明也乃捐書不治絕其滋味夜
焚香祝天形容憔悴居三月母夢神人告曰尔無慮
尔目為也尔子之孝尔目為當愈矣夢覺腫翳漸殺
不旬日而愈至為主事聞祖母酒太夫人之訃哭踊

幾絕外寢素食期年而後已昆弟七人公在長與仲
弟汝楫同學教愛篤志汝楫舉進士任丘公以府丞
提調順天鄉試匆遽中猶為作為政要畧一帙予之
其言今視之皆可為也鄉同年任良者居太學貧不
能堪然孤介不干人蒙面賣卦以自給故相識者皆
莫知也時在戶部獨禮之良且死無子其妻不能具
棺也公買棺與歸其喪同部主事壽儒死于官妻子
孤弱遣弟汝明歸其喪父友趙儒死于太學遣弟汝
楫歸其喪語曰種苗看豐交友看窮比昵之合惡乎

此亦冠
紳中僅
見

有終人雖謂公不善與人交吾不信也當其守大同
也歲久旱鎮巡大臣寧禱弗應公痛自省責洗足祈
求忽大雷雨四郊沾足民爭頌曰此父母雨也
先皇帝既陟方公曰吾小官大政雖不與聞然嘗奔
走中外躬逢

仁孝天子天下方享太平而遽倦勤于茲盛治之後
事未可知憂形于色入臨必慟絕䟽食別寢越二十
七日而後止同寮或嘲之曰古有忠臣今有孝臣矣
公弟與無錫邵寶遊以文章詩賦相磨切今所遺有

竹巖集數卷詩文皆雄健飄邁自成一家言也公先
世應天溧陽人家族蕃富溧陽稱巨姓者必曰胡氏
其諱通甫者即公之高祖也通甫生士真洪武初以
醫累謫戍寧夏左屯衛遂爲寧夏人配劉氏生二子
長諱雄配酒氏生璉即公之父封君也封君年十五
博學強記十八而遊衛庠慷慨有氣節然卒屈于有
司以公故封戶部主事云封君志續先世欲合溧陽
之族而未能也至公登進士使求通于溧陽族溧陽
族亦遣人來會宗譜於是南北之胡始合而封君之

志遂步公配王氏待如賓終始如一自側微至通
顯不一御婢妾也子男五人長信配徐教諭女次侍
配杜知縣女次伸配姜百戶女次僑始就學女一納
指揮沈瑁長子賜暇孫女三公生于成化乙酉十二
月八日卒于正德庚午三月一日將擇某年月日葬
于寧夏賀蘭山之陽而公之弟任丘君以柩在鄉里
之末且魯接公于京兆時也乃托柩述其大槩以備
當世立言之大君子采擇焉若其他政事之詳建立
之大藏大史冊固不能一一錄也謹狀

明都察院右副都御史南峰曹公行狀

公諱祥字應麟姓曹氏別號南峰學者稱南峰先生其先居婺源小庸村元末有端午公者遷郡城南其子英芝創業於今雄溪英芝生彥中彥中生永卿永卿生宗仁宗仁生以能即公之父也以公貴封戶部主事公甲午鄉試登甲辰進士戊申授南京戶部主事尋陞本部雲南司員外郎公嘗曰戶部錢糧之司今之任是部也過高則懈于事過貪則刻于法懈則妨政刻則病民廼惕勵更新凡監收浙江等布政司

秋糧及放過南京錦衣等衛軍糧不下千萬收放馬
草則三倍之勤能皆至無詭於行故其考績曰持身
約而不放綜治詳而不苟云弘治十年丁外艱服闋
陞南京工部都水司郎中黜淫巧遵樂度費用無經
者必置之法侵剋累繫者悉為之處一時工稱其平
而民不告擾十五年陞寶慶知府時稱郡小民貧寡
學故府久乏科目公至銳意作興不時臨學講解辯
詰嚴課程以稽勤惰厚廩餼以恤貧窶士氣克振科
第接有聞人郡以多務水田山地荒蕪縱放畜牧因

叙事詳
而有體

生盜竊乃嚴為禁止教氏於少峻山塲藝植有利群
木開平沃處種五穀而有游惰編之力差一二年間
即獲利益盜亦寢息其於溪澗高卑之田廼教民置
車作埧輪汲以灌雖旱乾亦有全豐之入民為之歌
曰除吾之害足吾之食伊誰之為曹侯之力當時雖
隣境山地溪澗皆倣其法至今永賴其所開墾并新
設縣治稅糧計千有七百一十二石九斗三升其逋
逃歸來如龔魁等者計六百三十戶男婦七百五十
有六名自是寶慶生齒日繁比于壯郡其他屢除苗

蠻之劫擾而鄰境武岡城步亦借以安再修橋梁之
崩圯而青龍潭江咸賴以濟節賑境內之饑荒而富
室客商皆勸以義凡夫祀曾驥之忠毀孟公等淫祠
三十六誅貪民妻通富商之姦尤人所難者也正德
四年陞四川左叅政分守川東道先是藍鄔倡亂衆
十餘萬公親矢石二十餘陣擒斬強賊七千九百有
六名賴凡在兵間者殆接二年官軍錢穀亦皆調處
總督軍務洪公鍾巡撫林公俊會舉陞本司右布政
使及紀功王給事中萱汪御史景芳奏勘又於右布

政使上加俸一級厥後廖麻子等再亂都御史彭公
澤復委公贊翊爾乃擒斬渠魁餘黨悉平

欽賞表裏正德八年陞陝西左布政使時值

王府軍衛應得錢穀當於漢中諸府額辦先因甘肅
有警乃借用其四萬餘石年久不歸以致宗室衛所
缺糧數多嗷嗷不安後公皆陸續補還於民有益於
宗室衛所皆遂其願鎮守廖太監造氊帳以媚上費
用不貲屢欲科民公堅執不從又助巡按劉御史天
和以沮之後劉爲廖所中傷然竟莫能害公十年陞

右副都御史巡撫貴州督理軍務兼制湖廣北道并
四川酉陽等處先是鎮筸銅平等處苗民作亂公至
出榜開諭懇切行委叅政等官竭心力撫勦陸續擒
斬五十名顆并招回逃民各三百餘名夷患既除地
方寧靖蒙

勅獎勵稱其處置有方委任得人云普安州苗賊阿
則阿馬等糾合群夷詐稱官職爲寇訛口地方阿向
等亦皆煽亂公皆會議征勦戡定其業垂成時有巡
按御史奏公擅調官軍縱容書吏受賄且謂公懷而

公宦轍
所至錢

自用不恤人言然公行軍六年有餘風勞痰作恬不
與較廼具疏懇乞休致

溫旨謂曹祥引疾乞休情辭懇切准致仕時公得旨
即歸其後

欽差刑部張郎中元電同三司勘審奏復而

聖旨謂巡按劾奏大臣不實着罰俸半年隨查公在
勦凱口地方苗賊阿向等蹟則甚著也乃命禮部差
人齎表裏三對白金二十兩賜於其家後都御史鄒
公文盛接任猶以公所遺兵糧因成大功云公弱冠

谷土木教化風俗無不加意焉
狀中志道憂夾
下之言
蓋知公矣

時即以志道爲事以憂天下爲念其聞時事之善惡而憂喜有甚於當事者後蒞官所至建功未嘗一矜伐故見素林公稱公優於行軍而又善藏其用獨加敬愛焉歸日惟課子孫且曰吾自知事時常與諸弟刻苦讀書后弟禎禔皆高舉有名於時若輩不自勵如之何其可繼也自子婿以下有訟質必不言之當道其子姪有事不當意者雖賓客在前亦面斥之必不爲隱遇人有矯詐者退則必與子孫言之以爲箴戒公幼孝弟居喪循禮待人恂恂若未宦者然其

僕奴役有犯之者惟以理遣人有以怒相加者公固
皆忘其名小大莫不得其歡心人皆謂公有呂蒙正
之量晚居武城南英會以興後學建竹山書屋以教
子孫立曹氏祠堂以合宗族其所爲文皆渾厚平實
自名曰南峰拙稿其垂歿也曰吾平生只守一實字
吾觀今之人惟呂仲木乎焉吾死得其言以爲吾行
藏足矣嗚呼公之子深與予同年進士然歿又蚤予
未獲遊公之門乃荷見知如此狀可辭乎乃因其孫
棟事畧爲之次第作狀云公生於景泰庚午年八月

二十八日巳時歿於嘉靖十三年甲午秋九月二日
巳時享年八十有五初配汪氏贈安人繼周氏封安
人繼羅氏子六漢海澄深津涿深戊辰進士時姦宦
劉瑾擅權嘗率百人抗疏於朝罰跪五日而勞疾作
后雖授南京兵部主事竟以前疾復作而亡娶程氏
漢娶江氏海娶汪氏澄娶黃氏繼汪氏皆汪安人出
津娶江氏涿府學生娶程氏皆周安人出孫男六栢
棟梁棟木楫棟棣府學生木楫尚幼曾孫三津等擇
某年月日葬于某山之原合二安人塋是宜列其行

實仗立言者采焉

誄

大宗伯方齋林文修公誄

嘉靖十五年七月十二日南京吏部右侍郎方齋林公卒于位公先世光州固始人五季時入閩占籍莆田國清里至宋承奉郎諱國鈞者生二子克褒遣師宗人艾軒子後俱登紹興進士褒丞尤溪縣人稱孝廉七傳至茶卿為公高祖茶卿生子子生偁偁生誥字廷諭號朴軒是生公以公貴加贈國子監祭酒母

張氏加贈恭人公生在成化丁未二月二十八日至
丙申年纔五十歲矣

聖天子聞而悼之贈禮部尚書謚以文修祭葬咸備
學者榮之夫公發解八閩擢英庶士博雅之學經濟
之才蓄之于翰苑練之于胄監試之于吏禮二曹尋
且躋于密勿握手絲綸以康阜天下者也乃遽云亡
士林悼惜况在知與尤所盡心重以子幹之請情益
惻然乃作誄曰於文修公玄授孔臧幼開書吏八閩
知名發解南建太學首稱既舉進士翰苑滋彰就屋

此公在
實錄中
亦有學
奇守者
宛蒙恩
之駢蕃
也存之

而處假乘而行衣履簡惡意度汪洋其肯儲畜二人
迎養再得親扼泣血歸鄉感動行旅展三年喪實錄
告考擢右春坊進

經筵講色溫氣詳數考文武多獲俊英兩典成均條
教伊明諸所干謁莫能來往以躬爲範庶士表章恤
及困士教化滋揚校刊群史寢食亦忘裝進

聖覽喜悅褒獎嘗上休疏慰留辭長

呈幸國學坐講明良

天顏怡懌出笥衣裳既倚南禮益慎紀綱晉改吏部

百司攸平厥既考覆臧否不災方丞輔弼遽爾淪亡
縉紳咸悼鄉人禱禳聖主惜材于尔尤傷葬祭駢錫
贈謚邁常士林榮矣百代流芳

涇野先生文集卷之三十七終

涇野先生文集卷之三十八

後學北地李楨編校

文

祭夏后大禹文

傳曰禹寔
德茲明德
率俾區夏
用贊唐虞
萬世永賴
於仁傑撫
江南獨存
夏禹祠均
此意也

惟王紹禪唐虞。績都茲夏。平成之績。府事之脩。貢賦
之定。歲時之明。典則之有。勤儉之克。咸其緒餘。危微
之學。昌言之拜。祇德之先。惟堯舜同。大岳惟汾。砥柱
惟河。其神所托。始乎。某等嗣守斯邦。敬脩歲事。其以
伯益奚仲配尚享。

憂國憂
民之念
隱隱言
表儻所
謂明信
孚于神
祇者乎

祭鹽池群神文 代河東運司作

惟神液結天地。寶獻鹹醴。傳食諸省。遠壯邊郵。群靈
協相于國多益。久皆血食於斯。邇乃風日愆度。瓊瑤
未花。撫躬循省。職司其咎。將商人阻乎。鹽人逋乎。訟
人鬱乎。抑車人之無已乎。有一于此。敢不思更。更若
不效。亦神之恥。某等忝事茲土。與神同任。牲醴既齊。
伏惟尚享。

祭黔國公五山文 代作

嗚呼。惟公天授伊良。弱冠迪義。世訓是匡。涉史有要。

此亦武
弁中燃
起者乎
得涇野
之又其
骨可千
金矣

經亦遂明思繩祖武不忝所生既篤文事武備尤長
廼控蠻夷廼靖邊疆當岑猛之叛于田州也爾乃把
截富州兵威振揚既有成績

帝賚孔煌及緬甸衣庇于孟密而孟養遠交乎木邦
也互相侵伐爲西南殃爾乃三府協心師出有名固
守隘口恃乃糗糧叛夷寧戢莫不來降乃安銓逼叛
于尋甸鳳朝文承亂于武定以圖城也勢甚猖獗禍
流遼荒於時伍司馬調兵四省梁司徒督餉不遑爾
乃計出萬全漢土兵行斬首數千招散脅從渠魁就

戮巢穴蕩平烈焰撲滅百夷咸方外旣寢頓省餉糧
天子褒嘉官傳是獎金印累累茂績攸章當其忠倥
于昭靖王之守京口定廣信下南閩而光也道路傳
聞家範如霜庭草不除秋水門牆寧人取我無我人
戎滇鄙不擾毫髮茂傷其男戴之如父母其女依之
如姑嫜故其師出以律屢定叛強實國家之屏翰
聖明之股肱也宜享遐筭壯此鴻綱
天不憖遺爾淪喪輶車既迈于長泰群卿咸臨以悼
傷撫具薄奠粵惟尚享

祭太師王端毅公文

曰嗚呼誕惟秦華篤生哲人剛毅敦龐學術真介廷
評敷納可補律亡維揚拯饑民到於今思之剿賊鬼
方荆楚盪定滇鄙弗靖單車馳撫郭景自殞南夷無
虞蠲賊砥稅徐吳安堵其定儲之策光齊乎日星茲
固播人耳目海內傳頌爾矣柵近守史官又獲覩在
太宰之詳乃知

受之不
浮於實
者

先皇帝十八年之治用賢退醜崇德省刑歲稔天慶
邦家康乂者多公左右之力也柵友馬理稱公言定

行危心易氣和孝友性成人人可即邵雍之安成蓋
庶幾焉。或曰。汲黯之直。陸贄之文。韓琦之功。范仲淹
之經畧。文彥博之壽疑。又無之也。嗚呼。我公信可謂
一世之大人矣。公薨。

皇帝悼憫。縉紳悲歎。庶民痛惜。學者失仰。况後生末
學。居連邑里。蒙穉狎聞。日借光華。情私何堪。有拘在
官。弗克臨窆。遠具薄忱。伏惟尚享。

祭韓司徒先生文

代作

曰。嗚呼。惟公受性淵懿。素履忱恂。勲在兵食。志篤忠

語極感
慨情多
淒愴

先生致
詞若許
而未有
如此篇
之感嘆
者桂馥

貞當其鋤兇除姦批鱗不顧。及夫守道養晦卧龍自
貞。嗟此晉國自潞公之輔世。溫公之誠身。于公再見
之矣。其有事斯土。聞訃傷心。既悲老成之亡。而又傷
典刑之淪。蓋不啻一已之私情也。爰具牲醴。罄此寸心。
祭涂水冠公文

曰。嗚呼。痛哉。吾友乃今遽已。邪。自昔遊業辟雍。嘆斯
學之未明也。擇友而交。選地而處。冬不避寒。夏不知
暑。善則相告。過則相窺。事親長。則觀其敬。訓子弟。則
取其慈。惟公孝不違顏。友不見利儀。刑于內。渾樸于

蘭膏自
爲馨耳
生也有
序事之
文歿也
有告奠
之文此
真所謂
道義骨
肉者乎

外雖怒而人不怨雖譽而人不媚省身自治與神明
通凡與交遊比漢黃憲雖古不言而信之地亦可到
焉及其同登仕籍嘆斯政之未明也居則安陋食則
耳菲寓書以戒聞事而箴上恐有負于

君下恐無益于民惟公寬不失縱嚴不過刻義以方
外仁以立中明允著于評駁循良成于牧宰永京北
活人數千撫秦楚澤及多方既晉司馬益篤忠良人
謀其小我見其大既不違理亦克濟事言論風采表
儀朝著凡與班行比宋富弼雖古不令而行之地亦

可至焉嗟呼斯道也平易知大路切近知飲食明日
如天日純粹如良玉惟知之不錯好之不厭行之不
已則得之矣乃有喜高論者鼓為異說使敏捷輕佻
之子奔走焉溺卑污者假為務實使干利依勢之徒
踊從焉于是乎士日以惰民日以罷治日以荒惟公
高不至亢卑不可貶既循天理亦順人情其殆庶幾
乎如公而在天假之年位烝鉤軸幹旋康濟雖古周
漢之治亦可望也乃今遽已嗚呼痛哉公務北行取
道井陘跋山水泥雨不倦持果戒牲牧淚陳辭齋

沐告虔以寫積哀尚享

祭百柳成公文

惟靈儀軒豁兮鵠佇音咽。唐兮鶴語。韶詩書兮老懷。
藝腹肱兮稷黍。日晏卧兮夙興。家中衰兮躬舉。奉二
人兮常春。羞醇醪兮肥羜。若遭疴兮籲天。願犧牲兮
身許。信不格兮天矜。胡椿萱兮壽歟。且蠲饘兮祠嘗。
歲未廢乎寒暑。痛情侈乎俗偷。服勤樸兮誰侶。哀鄰
兒兮淪河。身汨援兮十里。際漲濤兮澎湃。豈好仁而
弗去。卻救死之撫卹。雖漂母兮難擬。假屨空兮乞求。

先生為
文多在
闡揚潛
德締結
交情即
所以致

至人意
氣相許
即傾蓋

石而諸友求我復臨。惟爾之去。喪此知音。我善誰謀。
我過誰歲。抱此愁懷。風噎天陰。嗚呼子歿已七日矣。
蓋自是而長古破琴也。用協具乎牲醴。與皮閣而並。
歔望。樞肝裂泣。涕如霖。尚享。

祭西渠子文

嗚呼西渠子。乃今已邪。痛哭流涕。何能已邪。昔西渠
子與桡輩讀書太學時。志欲續斯文于古。而行此道。
于今。惟西渠子有黃金白玉之質。有夙興夜寐之學。
有孝母友弟之德。有信友孚鄉之行。有剴繁治劇之

之初至
附木之
日無一
念不在
學也此
文見之

祭虎谷先生文集 卷之六
材有濟危扶顛之策。有好善如飲食之甘。有惡惡如
蛇蝎之峻。有患難不改之節。有約信必踐之勇。有青
天白日之志。有喬山大海之量。冰蘖之操。決斷之敏。
何足道乎。爾乃守御史而以直言謫。爲憲副而以勤
政卒。則柙所望于續文而行斯道者。安托邪。嗚呼痛
哭流涕。豈徒友朋之情而已乎。近在解檢收巡鹽時。
諸詩已勒諸石而誌之不識。西渠亦有聞乎。偕此遠
懷尚享。

祭虎谷先生文

嗚呼先生之教可傳後世先生之政可法當時今乃
已邪柙已揭其大槩而為之志矣然尚未能殫先生
之蘊而盡弟子追慕之情也先生其知之乎嗚呼尚
享

祭平川王公文

曰嗚呼維公天授端慤孝弟因心亦既儒業篤志斯
道廣聞見于江左懋學行于關西獨承庭訓之懿挺
為昆王之光爾乃莖仕司諫雅持大体恭明神于太
常銜錢穀于戶曹誠蓋眷于明聖忠信聞于華夷

斯固 昭代之名臣也方期蒲輪再起台階繼登宣
皇化于海徼勒鴻勳于鼎彙者也乃天不憖遺遽爾
淪謝念儀刑之在南嶼表着之失北奠醪香帛哀地
同心公其不昧庶幾來享

涇野先生文集卷之三十八終

刻呂涇野集後叙

三輔自虞夏稱沃土而其土則
后稷之所封也文武之所營也
伊皓之所棲也土沃故人多重
厚而過化於聖賢故俗尚氣槩
有先王之遺風焉入漢以來師

師濟濟一時文行兼優如槐里令
關西夫子輩後先方軌焜燿史
策雖其天性哉所從來遠矣我
國家載造區夏丕振人文蘊崇迄
弘正間炳炳乎綦隆盛際已而
武功康德涵高陵呂仲木相繼

起京兆仲木素端靖動遵古誼
時逆璫竊憲亟欲引公為重公
竟絕之大禮一議持論不撓此
與槐里關西何異彼豈董董文
章士耶

大中丞李公亮節宏材貫日月而

重山斗蓋四方爭景仰焉而楚
屬吏昨獨徼天幸得以稟

公之令業已振靡激懦趣之大雅
而退食之暇復取仲木集刪訂
之以觀來學若曰仲木之文繇
行重也修文者其毋務華而絕

根則人人仲木云爾厥旨淵哉

湖廣漢陽府知府胡篤卿謹跋